




0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館



浙江圖書館



浙江圖書館



浙江圖書館

皇明名臣琬琰錄卷之九



鳳陽單氏先塋碑銘

滕思勉傳

兵部尚書齊公傳

兵部尚書薛公傳

忠襄金公墓碑

劉尚書傳

劉儁傳

張公墓誌銘

瑯琊

王世貞續編

宋濂



鄭曉

鄭曉

楊士奇

廖道南

楊士奇

浙江圖書館

兵部尚書柴公墓誌銘

王直

兵部尚書許公神道碑

楊榮

兵部尚書陳公墓誌銘

曾榮

忠肅鄺公神道碑

王直

鄺野傳

廖道南

兵部尚書于公神道碑

倪岳

兵部尚書儀公行狀

許彬

莊毅王公傳

素衷


白恭敏公墓誌銘

恭敏白公傳

雷禮

浙江圖書館

襄毅項公神道碑



浙江圖書館

李東陽

珠璣錄



浙江圖書館

鳳陽單氏先塋碑銘

宋濂

前兵部尚書單公安仁來謂濂曰安仁之姓相傳出於周  
單伯之後子孫世居臨濠臨濠今改為鳳陽自五氏祖譜  
牒失記不知何時來遷自高祖二府君妣劉氏曾祖四府  
君妣李查二氏而下始見載述然而曾祖至于祖父皆合  
葬鳳陽縣之延陵村三塋同域繚以周垣植以松柏外立  
高楔表署名號歲時祭祀唯謹惟我單氏世以耒耜詩為  
業敦崇本基惟務樸質不識末俗侈靡事恂恂歛不能  
以辭氣加人人或見侮輒遜避而已故於州閭之間並無  
所爭訟衣食有贏餘內以仁三族外以周媿友不復為自

藏計家法素謹男耕女織外不知有其它鄉人觀感多薰  
為善良為先德之忠厚者甚衆安仁不及聞其詳今也幸  
逢維新之朝忝被官使

皇上念及舊勲勅贈大父青亞中大夫濟南府知府輕車  
都尉追封南安郡侯大母鄭氏追封南安郡夫人父榮嘉  
議大夫禮部尚書輕車都尉追封南安郡侯母王氏追封  
南安郡夫人

天恩深厚賁及泉臺而瑩閒窆棺之力石未有刻文茲非  
闕典歟敢具書以為君子請濂受書讀之不覺歎曰嗚呼  
天之於善人其報施也如吹之必寒噓之必溫此古今之

恒理幽顯之通符也今以單公之事而觀益可徵驗不誣  
濂輿公交游十有七年知公之勲業為最詳苟不附書先  
德之後何以白前人積累之深而垂裕於後昆哉雖昧於  
造玄之體不暇卹也公少有志事功雖為府史晝夜以洗  
寃澤物為事當至正辛卯江淮兵起剽殺相屠劉氏遑遑  
無所寧居公奮然曰丈夫當出奇剪寇可坐視父母之邦  
淪覆耶遂推牛釀酒率健少年與飲整部伍嚴器械教以  
坐作擊刺之法不一月間從之者數萬人新建壁壘橫亘  
三十里寇至輒曳旗鳴鼓大呼追殺俾無留行乃止退則  
閉柵自守老弱襁負依為保障者累十千家當是時豪傑

角立割土疆擅號令者比比而是乙未秋公遂移兵廣陵  
以觀變且曰此輩皆為人作驅除爾真人之興氣勢自興  
恒人殊丙申冬公見

皇上威德日盛統六師而下金陵公日向所謂金陵真人  
者此真是已乃率部曲而歸之 上大悅明年命戍鎮戍  
江公嚴飭軍伍益自振厲敵兵不敢侵境居歲餘會

朝廷始立提刑按察司以廉糾不虔 上選公為副使巡  
行浙水東悍將獐卒橫賦民糧曰寨糧務剝以蠹民公  
一寘於法金華民有訟其邑丞受白金者公詰之曰頗聞  
爾丞賢爾細氓也柰何犯分而許之即圖白金短長圓方

形來上圖上藏弃復命諸左證圖之人人殊公曰是非誣  
耶衆環目相顧無一語遂以其罪抵訟者告訐之風為衰  
辛丑陞按察使東方肅清莫敢譁甲辰徵為中書左司郎  
中時江淮甫定軍國庶務焚如亂絲公佐太師李韓公參  
錯裁斷日就統緒事以無滯

圖

上益竒信之吳元年丁未閩浙中原漸平營建城闕宮殿  
脩朝享服衎儀物廷議可任其責者遂奏公為將作卿公  
精敏多智凡所智量皆中法不苟明年戊申是為洪武元  
年

上即皇帝位陞公嘉議大夫工部尚書仍領將作事二年

夏改兵部公宅心中正能聲彰聞公年以六十有七自以  
精力衰孱請致其事 上憫其勞苻之贈田三千畝牛七  
十角仍給尚書半祿養其終身公退卜議真珠金沙結廬  
以居六年夏 上念公舊勲復詔中書起公為山東行省  
參知政事公詣闕力辭而止八年復頒致仕詔公為通議  
大夫蓋異數云嗚呼公之事皆瀛所目擊者苟或有所拘  
泥而失書則公之勲業不暴白於世公之勲業不暴白世  
於則所謂先德者隱而弗昭矣其可乎哉其可乎哉公娶  
趙芮二夫人生子男子凡七鑿鎧雖蚤世鑽擢  
皇陵衛千戶所鎮撫餘若鉞鈞銘銓皆亦蘄然見頭角矣

歲時持酒以酌先塋相率而讀漁文則曰吾翁之顯融自  
我先世遺之也我等將取法焉然非遭逢聖人在上亦何  
以聚精會神成功名之會哉我等尤不敢忘是則忠君孝  
親之心油然而生矣它日則州里之人過而讀焉其感激  
亦如是四方之材士大夫過而讀焉其奮發又如是則漁  
文忠孝勸者夥矣非止為單氏一門光榮而已也公字德  
夫自號為寧山今年七十有二其氣猶康健也銘曰  
物之積也不厚則其發也弗能弘譬諸於雲起自膚寸及  
其積也氤氳黖黖可以沛甘霖而資西成又譬諸水起自  
涓滴及其積也瀾漫浩潮可以負萬斛之舟而利涉焉甚

哉積之為功也單氏世為善良自累葉馴致於兵部公其  
積之也厚矣所以功成於時名遂於後馳贈所覃上及二  
代天之報施善人之家可謂至矣是宜大書深刻於先塋  
之碑所以昭

聖澤表賢嗣以勵於人人焉

滕思勉傳

滕德懋字思勉吳縣人元季為江浙行省掾參政朶耳只班討方國珍辟為叅謀度海颶風大作舟且覆德懋神色自若國珍降留撫台州三年台人得之

國初徵擢丞相府掾從征陳友諒除知信州以才力不逮辭改建昌同知時陳氏故臣王溥守禦建昌所為多不法德懋以大義律之多所竣改進知潭州再進湖廣行省左右司郎中 召拜兵部尚書坐事卒德懋才辯豪爽器量宏偉其學長於奏疏一時招徠詔諭之文多出其手子枋字用載有文學與從弟權齊名權在文學傳

浙江



浙江圖書館

兵部尚書齊公傳

鄭曉撰

齊公溧水人初名德洪武二十年鄉貢明年舉進士歷禮  
兵部主事會震謹身殿上禱郊廟公以官九年無過得  
陪祀賜名太三十年陞兵部左侍郎明年進本部尚書  
上嘗召公問邊將姓名公歷數無遺又問諸圖籍公出袖  
中手冊進簡要詳密上大奇公是年閏五月受顧命輔  
皇太孫時諸王皆尊屬擁重兵專制地嫌勢逼詔諸王臨  
郊中毋奔喪皇國所在吏民悉聽朝廷節制詔下諸王不  
說謂此齊尚書踈間我也嘗使北平北平賂公公受歸請

為兵費 上益倚重公 文皇時自燕邸入臨至淮安公  
言上急出勅符勒歸國又與太常卿黃子澄建策凡親王  
有罪輒除國建文元年靖難兵起公專主籌畫命將出師  
上日召學士輩討論周官法度處便殿美柔翰詔聞外事  
一付公公遂移檄指斥削屬籍或難之公怒曰名正言順  
敵乃可服靖難兵遂以誅公為名上疏請發奸臣齊太黃  
子澄等與臣訊究陛下即不發臣必不休兵且抵京赤地  
千里時尚遣諸王督監諸軍公以谷王穗漏師遁還慮遼  
寧二王近燕為變皆召之還遼王至寧王竟不至二年靖  
難兵日進逼淮泗謫公子澄官求解兵李景隆書于燕謂

齊黃屏竄遐荒可息兵歸藩不聽進兵益急尋召公未及  
還金川門開建文君遜去公追至廣德欲往他郡起兵興  
復竟被執見文皇不屈死之從兄弟敬宗等皆死叔時  
永陽彥等謫戍兒甫六歲給配赦還今其子孫猶存故居  
為輔舍人猶稱尚書鋪云仁宗為長陵神功聖德碑述建  
文君焚崩喪以天子禮臣僚非其罪者咸復之於是公等  
宗黨皆得赦給還田土且戒天下毋得以奸黨相告訐云  
嘉靖中知縣謝廷蒞為祠祀公嘉靖己酉予至溧水造公  
祠見其五世孫光裕即六歲兒之後也

浙江



浙江圖書館

兵部尚書鐵公傳

鄭曉撰


鐵公鉉鄧州人洪武中國子生授禮科給事中調五軍斷  
事奏對詳明上喜賜字鼎石藩府坐法刑官久鞫不能  
奏當上屬公立決上益喜凡兩法司疑獄盡屬公未  
幾陞山東叅政建文二年李景隆駐德州公督餉飛芻挽  
粟水陸並進軍興不乏五月靖難兵圍濟南甚急公暨徐  
將軍盛統兵高僉憲宋叅軍張都統王太守王府校等悉  
力防禦今軍詐民降開城門候文皇入急下鐵板幾中  
比出戰令軍士噪罵文皇窘大怒攻至秋七月不能克

舍之南去宋叅軍說公者曰濟南天下之中北兵今南去  
其留守北平者類老弱且永平保定雖叛諸郡縣堅守者  
寔多鄙布政輩書生大叅公能出奇兵陸行抵真定南朝  
諸將潰逸者稍：收合不數日可至北平其間豪傑有聞  
義而起者大叅公便宜署部號召招徠之北平可破也北  
平破北兵回顧家室必散歸徐沛間素稱驍勇大叅公檄  
諸守臣倡集義勇候北兵歸合南兵征進者晝夜躡之大  
叅公館穀北平休養士馬迎其至擊之彼背腹受敵大難  
旦夕平耳公以軍餉盡於德州城守三月士卒困甚而南  
將皆駑材無足恃莫若固守濟南牽北兵使江淮有備北

兵不能越淮歸必道濟吾邀而擊之以逸待勞全勝計也  
乃設宴天心水面亭犒問辛苦述賦賡歌激發忠義未幾  
又有東昌之捷建文君以却敵之賞賞公進布政使再陞  
兵部尚書叅盛庸軍務賜金幣誥命封三代公入謝京師  
賜宴饋粟肉小河之捷中原震動 文皇欲不還以諸將

言再戰得勝遂長驅渡江感憤欲自裁 文皇登極公尚  
擁殘兵駐淮南已而擒公至不能屈令一顧終不可得割  
其耳鼻竟不肯顧劈碎其體至死罵不絕聲時年三十七  
子福安戍河池康安先卒父仲名年八十三母薛安置海

南



浙江圖書館

資政大夫兵部尚書兼詹事府詹事謚忠襄金公墓

碑

泰和楊士奇撰

永樂十三年四月十五日兵部尚書兼詹事府詹事金公  
得疾明日強入朝退疾劇又明日卒公世鄞人自少慷慨  
闊達負氣義壯遊京師遂遊齊魯趙魏以達於北京居北  
京二十年上初舉義靖內難布衣入見署紀善遂從征伐  
明年署長史又明年陞工部侍郎永樂二年陞兵部尚書  
兼詹事府詹事公事上敬慎小心每被顧問知無不言退  
未嘗泄是以益見禮遇而委任益篤焉輔導儲君以正直  
自持言無不盡尤見優待遇同列論事徑情直發不肯持

兩端依阿而虛已服善沛然而決江河注之海也兵部機  
務繁劇公嘗推讓同官之賢能或一事失當則必自引咎  
人有片善必稱之雖有素與公異意者其人有他善常不  
稱也里人有數窘辱公公為尚書時其人袖吏來京師懼  
不為容公薦用之或曰彼不於公有憾乎曰顧其才可用  
柰何以私故掩人之長尤好獎掖善類士有得一官而往  
見公者必戒之曰國家待士厚所望為民造福耳所至一  
以濟物為務聞人出片言語涉暴刻輒艱然色變可謂公  
直慈厚者矣襟懷坦夷神情灑落政務之暇朋徒往來酒  
一壺棋一局詠歌談譚相得也事兄世華盡恭撫兄子如

子篤交誼朋友卒其子無依公為長育之亦有長育之而  
為之娶婦者其他凋貧乏恤喪葬所濟尤多博於史學每  
論當時成敗治亂之故娓娓千數百言不竭其源委折曲  
歷歷如身親觀之者享年六十有三且華 書蹇公侍郎  
盧公往候之問所欲言公曰命至此何言獨念忠始以一  
夫見上歷數年位列六卿寵極貴盛而未嘗效分寸之報  
忠即死能瞑目哉已而顧其襁中兒謂二公曰忠不能報  
上恩矣士奇必志上所以寵我者銘我庶幾兒長而或有  
知也訃聞上為祭之有曰殫竭心膂克勤夙夜小心慎審  
始終無間皇太子為文祭之有曰能盡乃心知無不言助

益多矣又曰老成忠厚方資之為輔而遽沒焉嗚呼觀公  
君臣之際始終一德生榮死哀何其盛也公諱忠字世忠  
祖漢考文英以公貴皆贈資政大夫兵部尚書祖妣樓氏  
妣馬氏皆贈夫人娶余氏封夫人子男一連公沒時達生  
始六月明年二月兄子復初奉公柩塋鄞之鄉原士奇素  
辱公知義不可辭故叙而銘之銘曰神寵御天雲翕從之  
千載之會時惟昌期金氏之先宅於東浙世篤善仁蓄涵  
未發如種必獲迨公奮興明良相逢助自北京奉天靖難  
公侍帷幄寅恭慎密畀以心腹邦國載寧榮秩顯命爰貳  
各官遂掌邦政遂輔儲君宮臣之首公德多有公存孔厚

古之君臣有終不常偉公之終隆隆寵光難名如天維帝  
之恩公沒惓惓庶其後人鄞原之墳湖山鬱盤歸焉斯藏  
永永其安

浙江圖書館

浙江圖書館



浙江圖書館

劉尚書傳

尚書姓劉諱儁字子竒世為江陵巨族曾祖伯華祖貴甫  
慶積于躬鄉里歸重父從政甫益修厥善聞實有加一日  
夢天降赤幟上書儁字是夕尚書公生會鄉先生命名符  
於夢因以儁為名公幼磊落不羈讀書日記數千言下筆  
成文蔚然可觀既壯志益堅平居言不出口遇事剖決鄉  
人皆竒之曰異時公輔之器必此子也洪武乙丑登進士  
第擢駕部主事陞郎中遷右侍郎進尚書總制邦政綱奉  
目張永樂丙戌日南于紀王師問罪擇廷臣有文武全才  
者總督軍務公實為首既受

命運籌畫策夜以繼日師壓賊境罔不克捷既曰彼無辜  
夷人為渠魁所協既獲元惡餘孽可以恩及之日南之民  
幸得以靖既凱還

上深嘉之未幾餘孽哨聚林堡構患愈深朝廷以公聲威  
昔著夷賊猶伏仍遣與天將軍黥國公往剿之公曰此行  
吾當盡除逆賊以死報國師行萬里值抵化州夷人聞公  
懽忻鼓躍獨元首抗令不伏公晝夜不遑好謀慮勝總戎  
有莫能往者公即親冒矢石分軍前後掠敵所至輒有奇  
效一日以前得捷襲寇至大安海口遇颶風大作揚沙走  
石晝夜莫辨北進則人馬難行退則敵衆掩合公乃長吁

曰天乎天乎夷賊弗天我實奉天遭時如此豈天未欲邊

民平治也即口誦羅隱詩曰運去英雄不自由時且戰且

行畧無退意卒致後軍弗前勢孤懸絕遂陷賊圍賊用言

挑之尔若順我共享富貴保全尔生公厲声大罵逆賊弗

恭殘霄我百姓擾害我邊疆我前奉命來討不肆戮殺撫

安而還豈我之兵威不振耶特彰聖天子好生之德也不

料尔思固悛復勞天討在今日之逼氣數耳賊戲曰可一

揖縱公生公復罵賊曰堂堂

天朝衣冠大臣豈屈尔腥膻犬羊之下乎劉尚書雖死

天朝豈無劉尚書乎王師復至尔輩死無遺類口誦杜甫

題諸葛亮詩曰出詩未捷身先死長死英雄淚滿襟賊見  
不恟鼓衆而進公遂遇害事聞

上悼慟不已為之輟朝賜賻塋祭甚厚時

皇太子諸王皆遣祭名公鉅卿各為詩歌以輓之後

皇太子即位是為

仁宗猶嘉慕之遣官諭祭賜以誥命賜榮祿大夫在國少  
傳謚曰愍節官其冢子奎為給事中贊曰人孰無生為  
名臣調和鼎鼐平治邦政景星慶雲人咸願其常有焉則  
無愧于生矣人孰無死死以王事光大邦家重珍夷狄麒麟  
麟鳳凰世不得而常見焉則無愧于死矣如公者匪直無

愧於死其死也雖與太華爭高可也尸位曠官不能有無  
如陳自強之流負忠下敵苟圖富貴如李陵之輩用視我  
公其人之賢不肖為何如也太史書之天下後世傳之嗚  
呼宜哉

浙江圖書館

浙  
江  
書  
館



浙 江 圖 書 館

劉儁傳

廖道南撰

劉儁字子奇江陵人父從政感異夢書儁字是夕生遂名  
儁幼磊落不羈讀書日記數千言既壯志益堅言若不出  
諸口遇事剖決有方洪武乙丑進士歷陞兵部尚書永樂  
丙戌日南干紀擇廷臣有全材者總督軍務儁受命運籌  
夜以繼日師壓賊境罔弗克捷上深嘉之未幾餘孽消  
聚復為邊患遣儁同大將軍英國公張輔平之儁曰此行  
當以死報國抵化州親犯矢石所至輒出奇制勝一日至  
大安海口遇颶風大作揚沙走石莫辨南北進退無據長  
吁曰天乎夷賊背天我實奉天遭時如此豈天未欲邊民

平治哉且戰且行後軍弗前勢孤援遂陷賊中賊挑之曰  
若順我共享富貴保全爾生僞厲声曰逆賊弗共戴天殘  
霄我生民擾害我邊疆我奉命行討不肆誅戮特用撫安  
以彰 聖天子好生之德爾乃罔悛復勞天討今日之危  
氣數耳戲使之揖復罵曰堂堂華夏衣冠大臣豈為爾狗  
鼠輩屈耶天兵復至爾輩唯無遺類耳遂遇害

上聞之痛悼命招復塋之贈榮祿大夫柱國少傅謚忠愍  
官其子奎為給事中弟傑永樂二年以明經行修授吏科  
給事中彈劾無避出補雲南布政司叅議

資善大夫太子賓客行在兵部尚書兼掌行在戶部  
事張公墓誌銘

廬陵楊士奇撰

公諱本字致中姓張氏山東東阿人曾祖欽祖誠考從善  
其先世見余所作其考墓志公洪武中自國子生擢揚州  
府江都知縣陞揚州知府遂陞江西布政司左叅政召為  
工部左侍郎坐累謫交趾還為刑部右侍郎陞南京兵部  
尚書兼都察院事召為行在兵部尚書兼太子賓客兼戶  
部事公少勤學治毛氏詩為人直諒通敏有器識初在江  
都治其縣有法豪猾斂庸雖上官素名悍暴者不得下優

江都之民安之太宗皇帝義兵及境衛府皆已歸附公猶  
率民治守貝母夫人曰此天命也可違天以禍人乎遂率  
民耆老詣軍門朝內難平陞知府進叅政賜白金文綺是  
時江西唐琮在都司劉辰在布政司周觀政為按察使三  
人皆負勁氣不相下琮觀政尤縱私無忌憚事連軍民者  
即各持說務已勝不復揆理有積滯數月不決者公至斷  
斷持正且溫辭和氣以導之久而三人者皆惟公言之聽  
吏弊素甚公每事躬理吏無容奸聲譽頓起遠郡邑民事  
當貳佐躬臨視者衆或憚行輒自請行所過民多德之為  
工部職務叢脞旦暮在公悉心殫慮寢有條理在刑部奉

命督北京河運至濟寧而病朝廷聞之遣中官挾醫馳視  
并賜藥及貂裘駿事還益持敬慎議獄必究情疑者處之  
率厚數發奸擿伏竒中而紀綱秩秩仁宗皇帝初嗣大位  
重南京根本之地曰張本特立不阿首進公南京兵部尚  
書兼都察院事明年被召入見言國家大計遂留行在兵  
部毅然以革弊舉廢為務皇上嗣位知公忠直可任所言  
多見聽納高煦反車駕親征罪人既得命公撫輯其衆而  
錄其餘黨兵政久弊姦人以貨脫伍籍而援平民實伍者  
遠邇一輒公言於上擇廷臣四出清理悉用釐政他弊尤  
多賜勅獎諭命兼太子賓客賜白金文綺鞍馬遂命兼戶

部事戶部政紀尤弛公夙夜不懈講求其故蠲其積弊舉  
 其墜典凡上利國家下利民生者靡不盡心事日益就緒  
 宣德六年正月六日得疾又明日訃聞上深悼惜遣禮部  
 尚書胡濙賜祭遣中官賜賻鈔三萬緡勅工部營喪葬戶  
 部復其家比塋復遣官賜祭鄉大夫士之賢者皆走哭吊  
 致奠祭文相與歡曰一世都高位享厚祿而能任國事如  
 家事如張公者幾人天胡奪張公之速也公廉介有守其  
 心未嘗斯須不在國事剛果嫉惡於治姦宄鮮所寬假而  
 禮賢敬儒尤厚春秋六十有五而卒卒之日家無餘貲亦  
 可以見其平素矣以公貴祖若考皆贈資善大夫兵部尚

書祖妣李妣立皆贈夫人配王封夫人子男二璘環女二  
長嫁盧春次嫁祁慶孫男三承祖繼如意保公塋以卒之  
歲某月某日墓在東阿先塋之次璘等以右通政徐琦所  
狀事行來請銘余與公西京交好殆三十年又悉其江西  
之政蓋琦知公不若余知之深也銘曰崇秩重祿偉公與  
卿巍冠褒衣蟬聯在庭孰如張公經國如家夙夜弗遑僂  
思孔多何以益上何以益下曰予時職其敢遑暇焯焯成  
績在公多有倚注方隆公上下壽廉清之操公正之施賢  
人之喪善人之思

浙江  
書局



浙江圖書館

兵部尚書錢塘柴公墓誌銘

泰和王直撰

公諱車字叔輿姓柴氏世家錢塘靈芝義谿曾大父諱茂  
有隱德大父允明父望皆以公貴贈嘉議大夫兵部右侍  
郎毋毋嚴氏贈淑人公自幼聰敏喜學遊郡庠從徐大章  
先生受春秋學成領鄉薦遂入太學諸生多推讓之永樂  
甲申擢為兵部武選主事即以勤慎得名未幾陞員外郎  
已丑太宗皇帝北征公與方尚書從行凡軍務倚辨於公  
公隨機應變無留事凡官屬從公者又能庇佑之衆皆樂  
從及還陞江西叅議時營造事嚴公入閩中取大材丁夫

之病貧者公處之有方故能集事而民不告勞初經廣信  
太守與公有舊覬密一壘公疑其重發視之皆白金笑曰  
此所謂故人知君君不知故人卒拒不納至閩縣有婦人  
抱嬰兒哭訴曰夫亡田產見奪於豪橫公察其實移文所  
司斷還之歲餘入為職方郎中職方事最繁公治之有餘  
力會謚言當有變詔沿江諸郡擇賢守以公知岳州公鎮  
以靜民安之岳州有江湖之險官輒來往當役民上下挽  
送多或至千百人暮夜促詔不能集公病之公計主客戶  
有丁幾何約三丁役一丁五十人領以總甲署其名小牌  
百人領以百長署之大牌視所役多寡用之牌下皆來集

無後者民得蕃休皆便之公事暇之則至學宮與諸生講  
學或行田間視耕獲賞勤戒惰居三歲郡大治復召為職  
方郎中丁內艱奪情俾任事宣德庚戌陞兵部右侍郎公  
素有才望人僕其進命下皆為喜轉左侍郎時殘虜假息  
塞下西鄙戒嚴朝謀濟筭使然而公等之功亦豈細也哉  
宜聖天子悼念之篤而恩禮之周公之大節如此若其交  
友敬臨財廉奉已有度待人有意不附勢以干利其矣蓋  
不可勝書姑序次其大者而為銘使後世有考焉其墓以  
年月日其墓在之原銘曰允毅柴公學以植躬遭時而升  
遂躋顯融三十餘年出入中外克一其心以禦帝載曰西

功刊錄  
顧予欲汝為殄此寇戎汝往視師維公揭揭群志爰發乃  
暢皇威幽遠畢達邊塵不驚公與其功何以致之繫公之  
忠天不憖遺國有典禮寵禁式多哀念無已松柏丸丸有  
蔚其阡刻銘垂休何千百年

浙江圖書館

資善大夫行在兵部尚書許公神道碑

建安楊榮撰

汴之許州即古之潁州郡其士風端懿尚志節由是出者  
莫不著名於世今之大司馬許公其一焉公諱廓字文超  
姓許氏世居許之襄城曾大父居敬大父居敬大父守城  
父忠信皆隱德弗仕母王氏公生而岐嶷賦性淳厚齟齬  
之年即知務學其父遣入邑庠受經遂領洪武己卯河南  
鄉薦明年試禮部弗偶入太學永樂丙戌擢錦衣衛經歷  
未幾超授工科給事中復陞鴻臚寺左寺丞皆能舉其職  
歲壬辰拜工部右侍郎時職務叢脞公悉心殫慮以佐其

長凡可惠工而利國者皆奏行之事多就緒輿論歸焉甲  
午太宗皇帝親率將士徃征北虜命公督運糧餉隨軍徃  
返六閱月而士馬給足人無暴擾乙未將營建北京命公  
提督神木廠事工繁而役重公益持謹慎始終弗諭已吏  
以交趾人戶田賦未有定歸命公徃理之公至察人心事  
宜興總戎豐城候李彬掌交趾布政司事尚書黃福等議  
其可否遂還朝條奏其利害數事上嘉皆納之仁宗皇帝  
即位念公勤勞中外政績有稱遷工部左侍郎授正議大  
夫資詔尹賜誥命推恩贈其父祖皆如公官祖妣閻氏母  
王氏皆為淑人皇上嗣位知公惇實可任益隆眷侍宣德

庚戌秋河南民饑流離者衆上以公大臣素為鄉邦所重  
命往撫輯之至則旌廉黜貪勸善懲惡榜示有司弗得復  
有科擾禁豪右毋素取私錢凡夫匠雜役及諸採辦興積  
逋稅糧諸物悉奏免焉於是民皆趨走復業戴公若父母  
還朝上慰勞甚至辛亥春正月降勅獎諭陞公為行在兵  
部尚書復賜誥命授資善大夫并加贈厥祖若父皆尚書  
祖妣皆母皆夫人公荷國厚恩方夙夜經慮以圖報而遽  
以疾聞皇太后賜藥命醫視療竟不能起實宣德壬子六月  
十二日距生洪武丁巳三月辛巳得年五十有六訃聞上  
深悼惜遣官賜祭命有司治墳塋給舟車歸其喪公鄉大

夫皆走哭吊致奠祭焉配王氏封夫人子男四長曰麟猷  
 早卒王氏出也次繼廣繼文繼武側室張氏陳氏劉氏出  
 也女三長適盛全次適蔚善次適建平伯高遠亦皆王氏  
 出也卜以某年某月某日葬公于其鄉首山之陽其宗姪  
 國子生昌率其幼子奉監察御史羅亨信所狀事行詣予  
 請銘予昔與公有同官之好弗可辭惟公安貌豐偉襟度  
 夷曠其寬厚之德有通敏之才歷事三聖荐沐寵恩詳慎  
 縝密不驕不矜凡受委任靡不竭盡心力是以官無廢事  
 民庶樂康盖卓然有大臣之風是以樹碑墓道以垂不朽  
 予既為次序之而復系以詩曰猗歟許公中土之英少克

務學遭世太平發跡戎幕尋涉機要復陞鴻臚益臻榮耀  
貳卿之任佐理式勤益國利民譽日以振督運糧餉從殘  
虜將士給足歡聲載路于彼南交版賦未清具陳可否深  
協聖情仁皇嗣位益隆眷顧錫命推恩光昭宗祖聖皇繼  
統篤任弗諭命撫河南民用昭蘇迨進司馬璽書獎諭機  
務孔繁寔深倚注惟公砥礪理國如家經慮多方茂著才  
華尚未耄期遽爾遐棄帝用嗟悼賜塋及祭恩命載臨哀  
榮始終勒石墓道岳耀無窮

浙

珠玉金



浙江圖書館

資德大夫正治上卿兵部尚書贈少保謚節愍陳公

墓誌銘

洽

泰和曾棨撰

兵部尚書毘陵陳公之死事于交趾也訃聞詔贈少保榮  
祿大夫謚節愍遣官諭祭命其子樞為刑科給事中勅工  
部為造墳塋厚卹其家樞既倣古具衣冠招魂與公之夫  
人合葬其邑定安西鄉三橋之原乃奉禮部尚書胡公濙  
所述行狀請余泣狀請銘余嘗辱知於公而忠節事又所  
當書者遂不辭按狀公諱洽字叔遠姓陳氏其先澗之樂  
清人曾祖可山喜為湖海之遊元季客平江遭亂道梗弗

得弗遂家姑蘇之常熟祖益初父以貞連世弗仕母唐氏  
有淑德國朝洪武中以貞始自常熟徙居毘陵之武進三  
子皆聰穎秀異公其仲子也生洪武庚戌正月初六日自  
幼端重不為兒嬉甫成童已屹如老成人稍長貌竒偉長  
身玉立人望而敬焉與兄濟暨弟俊同遊鄉先生謝子蘭  
之門子蘭謂人曰陳氏兄弟才氣如此河東之薛不得專  
美於前矣且以遠大期之公讀書力學淹貫群籍尤工於  
書法弱冠用薦登命點軍卒過其目輒識其面且記姓名  
弗忘有再至輒管之叱令其去總戎懼請罪公上其事太  
祖皇帝嘉之賜織金鷄鵝衣一襲洪武丙子以貞戌五開

以沒公去官至家時五開蠻寇竊發公匍匐將往以歸公  
喪或止之公不應涕泣以行其後觸瘴癘冒危險間關五  
千餘里竟負骨歸喪焉未幾少保兵部尚書茹公瑞薦公  
才可大用遂奪情起復授文選郎中太宗皇帝八正大統  
之初首陞為吏部右侍郎尋轉陞左侍郎階嘉議大夫量  
才任官銓衡惟允復署地官事益有深求樂乙酉遷大理  
寺卿持法平恕民無告寃者丙戌交趾黎賊構逆朝廷興  
師問罪且命公覘賊蹤迹調土兵三萬以佐總戎者未幾  
黎賊就俘交趾遂平既還朝命掌春官事論功定賞人無  
間言繼署冬官名譽尤振歲己丑交趾餘寇作亂仍命英

國公張輔率師往討之公實與叅贊機務遂擒其克渠簡  
定而還時比寇猖獗車駕親征公承命偕英國公訓練士  
卒于塞外辛卯復任鎮交趾以克緩輯其民先教化而後  
刑法夷人安之蠻俗為之丕變而窮陬裔之間絃誦之聲  
相聞乙未還京師上嘉其功陞兵部尚書階資善大夫丁  
酉仍與豐城侯李公彬同鎮交趾兼掌二司事仁宗皇帝  
即位勅領交趾布政司按察司兩司仍叅軍事賜誥命追  
封二代祖考皆資德大夫正治上卿兵部尚書祖妣贈夫  
人母封太夫人故妻楊氏贈夫人今上皇帝宣德改元之  
初蠻寇黎利勢益張成山侯正通率師討叛公仍與叅贊

是歲冬十一月八日出師討賊公以為宜駐師石室縣之  
沙河以覘賊勢主師欲渡河而陣公反覆諭以利害且陳  
方略主師弗聽翊旦五鼓麾兵以渡公不能止次寧橋賊  
自己至未力戰公遂自奮馬突入賊陣欲擒首惡身被創  
甚而了無怖色既而墜馬左右扶掖公欲還營中且曰主  
師且退公何自苦如此公張目叱曰吾受朝廷厚恩四十  
年報國正在今日吾豈偷生忍恥者乎衆皆潰散公奮勇  
持戈前進手殺數人知力不能支大罵自刎而死賊相視  
駭歎公自筮仕即居內庭恂恂謙謹清儉寡慾忠信孝友  
出於天性動止語默皆有禮度獎善嫉惡尤惡諂諛親仁

好賢歎尚正直於人無所毀譽而遇之必以誠性樂恬澹  
不事侈靡平生不畜媵妾所至惟家僮二人以給使令晚  
年不喜飲食間居沉默寡言終日危坐人莫窺其底蘊有  
言兵者則曰兵凶器也右人尚德化必不得已然後用之  
博涉書史論至古將相忠義之事必正顏定色英氣橫發  
擊卽稱嘆若已有之雖有邊徼經營軍旅之務稍暇卽讀  
書自悞手未嘗釋卷也其為詩文敏捷徃徃皆有思致公  
卒之明年主師棄城而歸交趾遂為賊所據夷人思公之  
遺德語及輒為之流涕嗚咽久之公卒之日享年五十有  
七配楊氏贈夫人子男二人長卽樞次卽機女二孫男二

曰勲曰杰銘曰烈烈陳公衆時奮庸薦剡剡馳一鷄橫空  
亦既登朝遂膺寵擇優游清班以典封駁執喪居廬制未  
克終承諾復起苻躋顯融授官郎署銓衡是職繼貳天官  
厥聲籍籍黎寇叛逆命將往征公贊我機厥功以成蠻荒  
底寧爰立郡縣公在藩方夷俗丕變即還京師上嘉乃績  
乃授司馬屢加寵賜承命載行餘孽披猖負其險固出沒  
跳梁主帥恣驕而不持重輕敵以戰公言弗用寇勢益張  
公弗顧身力戰以斃捐軀成仁公之忠誠以死徇國義氣  
英風有聲赫赫褒典苻加恩命尤隆高爵美謚用表厥忠  
既卹其家復官其子公其不朽有光信史三橋之原窀穸

珍刊金

允臧銘以昭之萬世流芳



浙江圖書館

兵部尚書贈少保謚忠肅鄭公神道碑

泰和王直撰

兵部尚書鄭公既卒之明年皇帝悼念不已詔特贈少保兼兵部尚書進階榮祿大夫而官其子儀為主事儀奉公衣冠以歸將以某年某月某日塋于某里之原而述公之行請文以刻諸墓道嗚呼公故人也其可辭公諱莖字孟質別號朴齋柳之宜章人曾祖某祖某皆有學行而不仕父子輔為學官縣令名重當時又公貴祖父皆贈兵部左侍郎妣李氏王氏皆贈淑人公早喪母祖母李撫育之見其不凡最鍾愛曰是子能大吾門公孝友勤儉出於天性

而撫弟妹尤篤其於學問不待程勸選為邑庠生而泰和王敬先為訓導循循善教公亦勉勉善學學成進士遂入都察院理刑獄以廉平得名永樂癸巳拜監御史時車駕在北京有言南京鈔法阻滯命往察之衆謂將起大獄公往搗市豪一二以歸奏曰市人聞令皆震懼今鈔法已通矣上頷之而罷倭寇犯遼東公往按問戍守之失律者凡百餘人皆應公公為開陳其可矜狀甚明上然而宥之山海關吏卒邀阻行人以取財亡逃之人則受賂縱之去弊積滋甚公廉得之歸至關悉搗治抵弊為之省丙申北京營造執役之人累鉅萬上念有病者命醫與善藥又慮其

奉行不謹命公察視之公躬履其地今潔其穢汚而時其  
藥食田是病者多不死戊戌石州人有詣闕告變者曰州  
民與陝人羣聚千餘謀不軌上擢公為陝西按察副使往  
理其事果實即以官軍勦戮毋貽民患賜之楮幣給驛而  
遣之公至察其誣乃反獄亡命妄言冀脫死即具以聞上  
命止弗問而誅其造誣者宣德己酉陝右饑華亭宜川尤  
甚公私廩皆竭公巡歷其地憂之乃移旁縣粟賑焉羸病  
不能興者命官府煮粥食之民以全活庚戌至納潁憂歸  
道聞父喪哀愈甚每號痛輒欲絕其治喪一用古禮其祭  
亦如之服除拜應天尹輦轂之下賦急役繁公一以養民

為務事無大小苟可以興利去害無不用其心至於市征  
田稅皆酌其平豪猾不得為輕重賓興之歲公設科取士  
厚其禮而峻其防得人為多且樽節其費以待會試故事  
集而民不擾視異時蓋省十三四歲大熟麥有兩岐者民  
歸德於公公拒弗受正統改元進拜兵部左侍郎時西鄙  
有警尚書王公往視師獨任其事上嘉其才荆湘民多隸  
戎伍公家亦與焉至是特除其籍以示寵已未京師淫雨  
壞官民廬舍公奏曰此陰氣為沴兵陰也皆臣等不職所  
致乞罷歸田里上慰勉之師征麓川公舉蔣貴可任卒有  
有衆人以為知人天下軍衛總小旗當代者於例必就試

京師有道遠無資不能來者終身不得代公請各於都司  
試之人以為便時有言欲變易軍伍使南北之人各適其  
土性羣議衆依為其間公曰此舊制不可紊稍有變易將  
不勝其弊咎將誰歸卒不動嘗自念曰治軍吾職也當為  
國家惜其力養其銳氣以備不虞故凡軍家利病有當興  
革者必為上言之多見信從已已邊報虜入寇上命治軍  
旅而樞姦獨主親征不語外廷議及詔下大臣皆以為不  
可即上章請留不聽公從行出關屢奏言虜犬豕不宜屋  
至尊惟指麾諸將足以成功不聽權姦惡其數言事欲踈  
之勅公與戶部尚書王佐隨老瑩至懷安墜馬幾殆從者

請少留懷安就醫藥公曰天子在前吾為大臣豈可  
求自便力疾而往至雲中車駕回鑾然行止疾徐惟權姦  
所命至宣府虜寇踵至公深以為憂再上章請疾驅入關  
而嚴兵為殿皆不報最後公詣行殿申前請權姦怒曰汝  
腐儒安知兵事再妄言必死公抗言曰我為社稷生靈而  
言何得以死懼我權姦愈怒叱左右扶出公與王公相對  
泣帳中明日次土水營中無水士馬皆饑渴虜四面集矢  
下如雨衆奮欲戰又為權姦所阻須臾師覆公遇害蓋八  
月十五日也生於洪武乙丑某月某日年六十五娶吳氏  
有賢行子男一卽儀女一嫁同里士人歐陽瑄孫男三琦

琳珍公學博行莊仕宦四十年，風裁凜然，見重於士大夫。  
威行惠施，近悅遠懷，服仁蹈義，至老不衰。此其平生大節  
也。摧姦誤國而卒，陷焉，豈獨公之不幸哉？嗚呼！銘曰：允毅  
廊公，逢時之隆。學右入官，荐躋顯庸。執法在朝，為名御史。  
再陞外臺，其行愈偉。京尹堂堂，百郡所瞻。惟少司馬戎律  
有嚴，遂陟夏卿。君子所重，噫其逝矣。云誰不慟，人道之大。  
曰義與仁，仁義不遠。何愧於天，刻文墓碑。負以龜趾，永永  
不亡。庶其在此。

浙

浙江圖書館



浙江圖書館

鄺莖傳

廖道南撰

鄺莖字孟質宜章人父子輔為句容學官莖少事恭和王  
敦先學有本原永樂己丑進士試政都察院癸己拜監察  
御史時 文皇帝行在北京有言鈔法不行者衆謂將起  
大獄命莖往南京廉其事莖執市豪撓法者奏曰市人間  
令皆震恐今法已行矣 上頷之而罷倭寇犯遼東莖往  
按問戍守之失律者凡百餘皆應死莖開其可矜狀  
上宥之山海關吏卒邀阻行人亡逃則受賂縱之去弊積  
滋甚莖歸至關悉擒盜抵罪丙申北京營造執役者累鉅  
萬 上念有病者命醫藥又慮其奉行不謹命莖察之莖

躬履其地時有藥食病者多不死戊戌石州人有詣闕告  
變者州民與陝人群聚千餘謀不軌迺擢堃為陝西按察  
副使堃至白其誣上命止弗問而誅其造誣者宣德己  
酉陝右饑堃巡歷其地乃遺旁縣粟賑焉羸病不能興者  
命粥食之民以全活庚戌聞父憂弔痛輒欲絕治喪悉用  
古禮服除拜應天尹堃上言京郡秩正三品特給銀印與  
在外府治不同凡有政務面奉特旨及承行六部都察院  
劄付邇者監察官巡視遇有公務輒便追呼甚至凌辱部  
曹凡有催科遣人至於公堂捶楚掾吏謹按憲綱內監察  
御史巡按各處與三司相見已有定禮本府在京衙門並

無巡按之儀而洪武中各部清吏司亦無批牌追呼之事  
今皆恣肆凌壓非所以崇國體也宜定體式庶如古京兆  
尹斯可矣疏入從之莖以養為務凡市鎮田稅約束有法  
賓興之歲設科取士厚禮峻防得人為多且樽節其費以  
待會試故事集而民不擾歲大熟麥有西岐者民歸德于  
莖悉拒弗受正統改元進兵部左侍郎時西鄙有警莖獨  
任其事 上嘉其才荆襄民多隸戎伍莖家亦與特除籍  
以示優寵時京師久雨壞民室廬莖竊憂以為陰沴兵象  
遂上疏以為安內靖外在兵統兵馭衆在將必智者然後  
能運籌制勝勇者然能後奮威摧敵今邊方弗靖用兵禦

寇四海之廣豈無古如孫吳衛霍者儔苟不豫求於無事  
之時何以應用於倉卒之際宜令公候伯五府并各營把  
總官在外都布政司三巡按御史廣詢博訪各舉所知果  
有出奇料敵堪以統馭或膂力騎射堪以馳突或善撫士  
卒堪以裨贊機務者各隨所長具以名聞托有不効連坐  
舉主如此則將帥得人兵政修舉矣 上聽其議先是麓  
川用兵陟舉定西候蔣貴為將以往卒賴有功歲己巳虜  
酋也先入寇警報日至陟又言尾刺虜酋自其父脫歡時  
吞併阿虜台部落益以強大而西北一帶戎夷被其驅脅  
無不服從惟兀良哈三衛不服也先又親率人馬分道掩

殺自滋北漠東西萬里無敢與抗前歲也先嘗欲俟我邊  
將送彼使臣出境乘間搶殺及分遣人馬於甘肅寧夏諸  
鎮約期入寇仰賴 皇上深燭其姦豫勅嚴備又命蔣貴  
等統率精兵巡邊卒破其謀今率其醜類遠離巢穴沿邊  
窺探煙火不絕宜令各營練選軍馬令智勇頭目管領整  
飭器械於虜使北旋之日命將統領往宣大兩鎮駐操增  
我軍果敢之氣消彼虜覬覦之心又京師官軍修城摘揆  
工作逾歲宜令養威蓄銳遇警調用則思患可豫防矣是  
歲秋七月也先深入逼近畿輔 上親征出居庸關駐龍  
帟臺墊扈從乘馬或勸少憇于懷來城墊以馬革囊尸自

誓是月壬寅 車駕次鷄鳴山癸卯次萬全峪是夕金星

犯亢甲辰次懷安是夕黑氣四塞乙巳次天城丙午次陽

和是夕火星犯壬未次聚樂驛戊申次大同庚戌次雙

寨中官王振蔚州人邀幸其第辛亥次滴水岩壬子次洪

州癸丑次白登王振迫拔進兵成國公朱勇膝行聽命

車駕尋次宣府虜踵至堃上言請疾驅入關嚴兵為殿王

振力沮之皆不報又詣行殿申前請振怒曰汝腐儒安知

兵事再言必死堃曰我為社稷生靈而言胡為以死懼

哉振愈怒叱左右扶出堃與戶部尚書王佐相對泣帳中

明日師覆堃死之年六十五贈少保官其子儀為主事堃

為人端謹居官勤慎所至有冰檠聲羊采凜然履官四十  
年操履如一日性至孝在陝西時得父書拜而跪讀之嘗  
以俸錢易絨褐奉父其父封還以書責之整思欲見父與  
僚友謀請為鄉試考官其父曰豈有子庶訪而父典文衡  
乎其忠義之訓所繇未遠矣王文端公銘其墓曰允毅廊  
公逢時之隆學古入官荐躋顯庸執法存朝為名御史再  
陞外臺其行愈偉京兆堂堂百僚所瞻惟少司馬戎律有  
嚴遂陟夏卿君子所重噫其逝矣云胡不慟人道之大曰  
義與仁仁義不違何愧於心

史南曰昔人謂死矣下事易成天下事難夫苟有利於社

稷死之可也方莖為京尹則正體統之紊居司馬則運籌  
畧之勞可謂成天下事矣卒之扈從巡邊慷慨就死身膏  
草野名照旂常血染氈廬貌圖麟閣死有重于泰山者非  
莖之謂耶替曰晉之懷愍宋之徽欽受辱胡虜貽羞幙庭  
惟我英皇濬哲文明天地垂祐宗社錫靈莖之死難光  
照汗青

浙江

榮祿大夫少保兼太子太傅兵部尚書贈太傅謚肅  
愍于公神道碑

錢塘倪岳撰

憲宗皇帝紀元成化之初故少保兼兵部尚書于公之子  
冕歸自謫所即啣哀列疏以訟父寃上聞而憫之追復故  
秩遣行人司行人馬驄祭其墓其文有曰當國家之多難  
保社稷以無虞惟公道而自持為權姦之所害在先帝已  
知其枉而朕心實憐其忠由是天下稱快曰此誠天日開  
明公道暴白之秋也於胡休哉已而杭之父老白于巡按  
監察御史請即公所居建祠祀公榜曰憐忠遵制祠也今

上皇帝紀元弘治之初訓導儲衍奏公功績宜賜贈謚立廟以祀言甚剴切禮部將上其事會給事中孫儒複言右之節義則諸葛孔明張巡文天祥今之節義則李時勉劉球與公宜一體報祀以厲後來廷臣合儀以聞詔歲一祀公于鄉民所立祠未幾冕以應天府尹致仕歸復列公平生行業請如制贈謚以慰泉下累數千言事下禮部儀僉謂今存人臣能為國家建大議成大功者生則有旌擢之恩沒則有褒恤之典若前岳飛盡忠報國死非其罪其追謚祠祀在宋具已舉行公之受冤雖同而功業所就則大過之宜如其子所請制可賜謚曰肅愍建祠于墓表曰旌

功命有司春秋致祭其文有曰逢時艱危安內攘外社稷  
之功永不忘復賜贈官誥其 曰當皇祖北狩之時正國  
步艱危之日乃能殫竭心膂保障家邦迴鑿有期論功應  
賞不幸為權姦所構乃隕其身輿論咸寃恤恩已錫茲復  
贈特進光祿大夫柱國少傅用昭旌崇之典天語丁寧岳  
之萬世蓋至是而公之寃以白公之功以著矣於乎休哉  
於是冕抵書京師謂岳在里姻之末又適官裏曹親承德  
音宜為具述其事勒之墓碑以昭世無極岳不敏何足以  
知之按狀公諱謙字廷益姓于氏號節菴其先家河南七  
世祖某仕金為汾州節度使知開封府六世祖某階朝請

大夫延津令五世祖某定遠大將軍沁水令金末兵亂譜  
牒散佚僅存官秩而亡其諱四世祖諱伯議金亡奉母遷  
雲中元初狀括新附復遷薊州仕至朝列大夫太常丞兼  
法物庫使累贈禮部尚書上輕車都尉追封河南郡候妣  
晉贈河南郡夫人高祖諱夔起家中書掾累贈中奉大夫  
河南江北等處行中省叅知政事護軍追封河南郡公妣  
張贈河南郡夫人曾祖諱九思階中奉大夫湖廣道宣尉  
使都元帥延祐間為杭州路總管致仕遂家于杭故今為  
錢塘人祖諱文入國朝仕為兵部主事改工部父諱彥昭  
隱德不仕自曾祖而下皆以公貴累贈榮祿大夫少保兵

部尚書曾祖妣馬揚祖妣施妣劉皆贈一品夫人公生有  
異質甫七僧蘭古春竒之曰此他日救時宰相也長游邑  
庠領永樂庚子鄉薦明年登進士第宣德紀元丙午拜山  
西道監察御史公風儀峻整音吐鴻暢每日侍奏對上必  
注聽院長都御史顧佐風紀甚嚴獨器重公巡按江西奏  
誣獄出數十百人於死劾治王府之以和買害民者一道  
肅然比還復同錦衣官校往理官船之貨私鹽者公不避  
權貴河道以清上親征武定州罪人既得命公數其罪公  
辭嚴義正肆口而成大稱上旨師還受賚輿從征大臣等  
自是受知於上屬意用公矣庚戌河南山西災廷議必得

大臣兼理之上手書公名擢兵部右侍郎賜勅以往年方  
三十有三朝野榮之公感上知遇夙夜經畫遍歷梁晉間  
問民之所欲惡而興革之民大感悅九載秩滿進左侍郎  
公在鎮久多善政在河南者尤著若勸民糶粟官為收糶  
以備賑荒預擬河患督採近地草束以備築堰公庾積久  
易敗即減價而糶旁省亦獲以濟征輸脫有贏餘即以鈔  
折納官民交以為便歲旱奏減存留糧草積誠以禱雨澤  
民忘其災河流歲衝土城遂築大隄以障植柳以固立舖  
設夫役以備修補復植柳于道以蔭行旅鑿井以濟道渴  
迄今存焉時議者欲移山東蒸炭及大名牧馬于河南公

抗疏止之山東陝西民流徙其地公為立里以居給田以  
耕不使貽患地方後皆視以為法其在山西奏革大同鎮  
將役軍耕種之弊盡入其田為軍屯復以大同遠在北邊  
乞專差御史一員巡歷其地度奸弊可革遂為永利議處  
脩築鴈門軍役議孤柴炭人夫通融有法仍奏減七分之  
一以甦民困時災傷流移公設法招徠又恐復業者憚於  
徵輸無復固志即奏免所欠稅糧復請著令有司考績以  
有無流民為殿最使知警焉其地霜旱田薄收當輸邊者  
多折賚金銀姦民恒竊以逃公奏遣官解以懲其弊且請  
免煎銷以便分給尤為民利公嘗自河南抵山西夜經太

行山有群盜持兵喊而前從者駭愕公厲聲叱曰汝何為者邪盜聞公言大驚散去其德威所著如此有叅議劉孔宗者律已甚嚴頗與流輩寡合衆搆賊罪污之公之其誣即奏白其事恒以盈滿為懼請舉叅政孫原貞王來以自代時中璫王振方用事有御史姓名類公者嘗忤之意以為公遂乘機嗾言者劾公擅舉自代罷為大理左少卿二省之民倍道赴闕交章乞留親藩亦以不可無公為請乃復命巡撫實正統丙寅歲也明年復為兵部右侍郎留禮部事公考妣相繼歿皆命奔喪兩遣行人汪琰抵抗賜祭治喪事懇乞終不制許又明年己巳虜酋也先寇獨石馬

營至秋遂猖獗上下詔親征公與尚書廊公棊上言邊防  
將士皆可托以制虜不必上煩六師且皇上宗廟社稷主  
無輕臨戎懇留不聽八月望日師次土木虜奄至主將失  
律王師敗績皇輿北狩宣府懷來僅以自保沿邊城堡奔  
潰一空京師大震時公獨任部事北望號泣誓以滅虜將  
議集兵集兵馬為守護京師計會皇太后命郕王暨國以  
係人心于時臺諫廷論土木之變罪歸王振王始攝朝倉  
未能處分錦衣衛指揮馬順素附振意頗不平衆起捽順  
擊死復索振所親信二內侍將擊之班行誼雜無復朝儀  
王疑懼屢欲退諸大臣亦多斂避公堅立不動時掖王請

留且請降旨宣諭群臣無擅動振罪俟請命太后行誅順  
罪應死勿論命將軍亟擊二內侍死衆乃定退朝漏過午  
刻公袍袖為裂吏部尚書王公直執公手曰今日正賴公  
等若某百輩何能為公辭謝不敢當進兵部尚書固辭不  
獲始就職公受任多事之際首劾扈從失律者武臣顧興  
祖輩文臣王佐輩皆宜議罪以聞庶後之任事者知所用  
命從之王嗣位尊上太上皇帝號改明年庚午為景泰元  
年公入見泣對曰虜賊不道犯我邊疆遮留大駕彼既得  
志將有長驅深入之勢不可不豫為計邇者各營精銳兵  
械且盡宜亟募兵易漕卒以備調令工部分局治兵器以

備用京師九門尤為要地宜令都督孫鏜衛穎張軌張義  
雷通分兵以守選給事中御史王竑輩佐之列營于外以  
振軍威徙郭外居民於城內隨地安插無為虜所掠通州  
所積糧數百萬挽運固難棄之或以資虜且令在官食糧  
者悉詣關支人以多寡受糧而歸至集京師庶幾兩便大  
同宣府常經虜剽請勅各地守臣協力防鎮訓練脩飾  
務使有備至於選任人才尤為至務文臣如軒輓者宜令  
巡撫武臣如楊洪柳溥者宜為將帥軍旅之事臣請身任  
其責不効則治臣之罪上皆嘉納行之時邊報絡繹訛言  
萬端公先事豫防達榷制變衆視公以為安危太監喜寧

胡種也土木之潰降歸也先因為之用道之人寇虜奉車  
駕趨紫荆關京師戒嚴朝臣至有挈家南奔者侍講徐瑄  
因謬言占象倡議南遷事聞六宮人心動搃公為慟哭抗  
言于廷曰京師天下根本宗廟社稷山陵在此百官萬姓  
帑藏倉儲在此此而不守去將何之一動則大事去矣宋  
南渡之事可監也上是公言守議遂定主將石亨復為異  
議欲盡閉九門堅壁以避賊鋒公言不可請率先士卒躬  
擐甲胄出營得勝門外閉門以示必死泣以忠義諭三軍  
人人感奮勇氣自倍十月朔先入紫荆關傳言送駕還京  
前驅突至我軍堅不為動知兵有備稍自引却先也次至

城下對我壘而陳駕亦在虜然覘我軍嚴肅不敢有加於  
我我亦不敢向虜輕發一矢喜寧噤也先邀大臣出議和  
且需金帛萬萬計蓋強所難從以砲礮擊虜營虜死砲下者萬  
為十月既望虜移蹕漸遠乃攀砲擊虜營虜死砲下者萬  
計也先大沮宵遁京師解嚴時謂不戰而屈虜兵實天生  
公以為社稷也論功加少保總督軍務固辭久之乃受嘗  
謂人曰四郊多壘卿大夫之恥今日惟有聲罪討賊復還  
車駕乃臣子之職他復何言大同叅將許貴奏欲遣使議  
使以緩虜兵徐為討伐計公謂去冬嘗遣都指揮季鐸指  
揮岳謙厚賚金帛以往虜輒深入繼遣通政王復少卿王

榮往議迎復亦不見鑿輿而回虜譎詐回測和不足恃况  
與虜不共載天之讐和則背君父而忘大義理固不可萬  
一可和虜肆無厭之求從之則害違之則變勢亦不可也  
莫若選將練兵養威蓄銳無輕遣使以取其侮從之公以  
涿鹿貞保定易州皆京師近地兵力單弱雖嘗遣奏督劉  
安率兵巡視猶虜方遠遁或使剽掠力弗能及即奏遣都  
指揮陳旺石端王信王虹輦分益以兵往為之援復請勅  
右都督楊俊節制之民恃以安又以虜之深入必先攻犯  
羊紫荆倒馬諸關復奏撥京兵與其原守官軍互為應  
援俾無僨事謀報虜逼總兵生謙於關子口明日復報追

石亨於鴈門關烽火甚急遠近騷動衆謂宜急發兵往援  
公不為動即奏上方畧密授亨等仍令各營選調軍馬若  
將尅日大舉者旋報虜已出境乃服公料敵之審公謂喜  
寧不除虜卒弗靖乃以計授楊俊擒送京師公廷劾其罪  
誅之自是虜竟畏憚悔禍不敢復犯矣辛未也先遣使入  
貢請送大駕還京朝廷疑之信下廷臣議公曰此天意也  
君臣大義兄弟至親當速遣使奉迎以承天心萬一虜果  
懷詐我辭矣議乃決秋九月大駕至虜庭衆躋公一言之  
重時邊事稍寧公益修安內攘外之政河間東昌諸處永  
樂間安置降虜甚衆方虜入寇欲乘機而動公因南征奏

遣其有名號者以行遂留于彼以為潛消之計天壽山祖  
宗陵寢所在而無城廓虜嘗犯其地乃奏起成山伯王通  
城昌平徙兵民其中以衛陵寢且重邊關之援臨清漕船  
所經商舶輻輳實喉襟之地虜入寇時嘗有往據之謀乃  
奏遣平江伯陳豫築城以守遂為重鎮尋謀知有虜謀者  
乃我亡命小田兒也適雜虜使中來瞰虛實公奏授計于  
侍郎王偉因使大同道誅之初北邊獨石馬營入城為虜  
所據公謂此不可棄即奏起都督孫安授以方畧率兵度  
龍門關且戰且守由是八城復完公謂京兵分隸五軍神  
機三千諸營者雖各有總名然不相統一或遇調發動相

選摘兵將不識卒難濟事乃議以諸營馬步兵擇其精者  
十五萬人分為十營各五名號每營以都督一員總領之  
每五千用把總都指揮一員每千用把總指揮一員每隊  
用管隊官二員團結訓練體統既定兵將相識有警皆調  
某營則自其總領都督以下督率以行號令專一行五不  
亂兵制之善者也故其法迄今守之楊俊議奏盡出京營  
兵併調三邊各路軍馬大舉勦虜可以得志公執不可曰  
如此則京師各邊皆空虜或分兵牽制何以應之非兵家  
全勝之謀也上從公言俊素跋扈時謂公此議足以奪其  
心是時浙江福建則有鄧茂七葉宗流廣東則有黃蕭養

乘時竊發殘破郡邑一時命將出師皆出公籌畫雖遠處  
 千萬里之外懸制切中不啻親歷其地卒用勦平貴州苗  
 賊作亂侍郎何文淵奏乞罷布按司復置宣慰司以土官  
 蒞其地留都司以轄諸衛遠大將鎮之公謂貴州自祖宗  
 開創餘八十年顧因小寇遽隳成功況土地人民皆受之  
 祖宗者豈可輕棄事遂寢公念北虜既平軍國之務可緩  
 懇辭兵柄復以天變乞罷皆不許初也先犯京師石亨因  
 公成功驟躋候爵心不自安乃奏公功宜官一子朝廷即  
 授冕府軍前衛副千戶累疏懇辭且曰縱欲為子求官亦  
 不當假手於亨不許既受命無冕曰我本書生當聖主憂

勤之日分以死報顧功微報曠爾宜砥礪名節毋忝恩命  
朝廷復於京師之西賜公等一區公上疏辭國家多事秋  
豈臣子安居之日况星文示變正宜貶損豈可厚享以重  
咎愆不許乃以平日所得賜物廕甲袍帶之屬移置第內  
封識加謹時一往視焉公素苦痰喘恒寓直房以便朝謁  
一日疾作上遣太監興安太醫院使董宿來視宿云此非  
竹瀝不可愈安為上言且述公自奉儉約上親幸萬歲山  
伐竹以賜仍命計公所用悉給自尚方蓋異寵也病少間  
復懇乞罷歸不許特降勅諭留免公朝叅屢遣中使促公  
出視事為上所倚重如此公握兵久號令賞罰皆出於公

言議所及宿將歛伏亨等不能措一辭亨素貪縱尤為公所裁積成嫌隙亨姪彪本驍將時皆慮其一門同握京兵公乃奏遣彪克遊擊將軍往戍大同二人不得遂所私益切齒於公思有以傾之矣丁丑正月景皇帝不豫公同廷臣上章乞復皇儲未報英宗皇帝復宸極此實天與人歸之會亨等貪天之功掩為已有即誣公等迎立外藩以為罪與大學士王文六七大臣俱下獄所司以金牌勅符具存他無顯跡可據亨等必欲置公于死會徐瑄者以倡南還為公所斥久不獲進因易名有貞尤銜公者廷鞫之日力言大肆拷掠宜無不承文不勝忿力辨不已公曰亨等

意已如此辨之何益所司承亨風指乃以意欲二字附會成獄蓋即秦檜莫須有之故智也是月二十三日狀上上猶豫良久曰某實有功衆未及對有貞直前曰若不置謙於死今日之事為無名上意乃決時錦衣指揮劉敬方帶刀在宿衛目睹其事每言及未嘗不以為恨公沒之日天日無輝朝野寃之太監吉祥麾下達官朶耳者聞公死慟哭都市以壺觴酌公祥聞之切責焉明日往哭如初此實忠義感激之心雖異類而天理固不泯耳先是抗之湖水竭土裂人驚異之孫原貞方以尚書鎮浙曰人曰賢才之生實鍾山川之秀今日之兆哲人其萎乎蓋指公也至是

卒驗云公之生為洪武戊寅四月二十七日得壽六十而已惜哉所司藉公家自朝廷所賜外他無一物蓋公平日自律之嚴也未幾陳汝言代公兵部以賄敗上言陳所籍物于大內廡下召大臣入視且曰景泰間謙任事久且專沒無餘物汝言未期何得賄無算耶上色變久之亨等倪首不敢動撫寧伯朱永出謂人曰今日觀上意亨輩將無所逃矣一日邊報甚急集廷臣議恭順侯吳瑾進曰于謙在邊患不至此上為之默然初公被害時皇太后未及知此聞嗟悼累日上聞之亦悟其寃深悔之既而有貞以罪遠竄亨等坐謀逆夷滅此皆上心有所懲而亦天道好還

之明驗也初公之遺駭賴都督陳達憫公無辜密賂守者  
收瘞踰年冕遺義兄康詣達達乃具棺衾俾康扶歸杭塋  
于祖營即今建祠地也公天性捐介不立私黨一以忠誠  
結主知分謗任怨無所顧忌不貸賊吏而恒宥小過急於  
薦賢不遺一善凡公所甄拔如孫原真王來皆為巡撫時  
所舉其他文臣武將功名顯著者尤多蓋公知人之明如  
此所至聲績懋異遺愛不忘故江西祀公郡學名宦祠河  
南祀公開封庇民祠二首之民家有公像飲食必祝皆至  
于今不廢及已巳之變軍旅方興中外論事者紛然議下  
兵部公悉裁之以理可者行之否則止之知無不言言無

不盡一時克詰戎兵登崇智勇卒之肅清大憝迎復乘輿  
以安社稷以固邊圉此誠不世之功也歷事三朝位極人  
臣然故廬之在杭者未嘗增飭尺寸丁內外艱歸蕭然不  
異寒士孤忠峻節夷險弗渝可謂難矣平居好學手不釋  
卷為文有竒氣詩詞清麗在江西時和祭酒胡頤菴山居  
十詠在河南時和馮海粟梅花百詩皆頃刻而就膾炙人  
口尤長於奏疏至今視以為準當政務旁午章日數上累  
千萬言揮筆如流一皆切中事機人服公明決率推為天  
下竒才焉平生著述甚多今僅存節菴時文稿奏議各若  
千卷禍變之餘蓋千百之什一耳董氏配累贈一品夫人

翰林庶吉士永豐知縣某之女柔惠靜專克勤內助先公  
十一年卒公年未五十遂不娶亦無媵侍人皆義之生子  
一即冕自副千戶改受兵部員外郎進禮部郎中南京太  
僕少卿應天府尹文學政事無忝家法女一適錦衣千戶  
朱驥坐公累戍邊北宥還累官都指揮使掌錦衣衛事孫  
女六吏科給事中張晟工部員外郎倪阜益都知縣孫武  
卿德清縣學生徐九萬杭州府學生沈繼榮其壻也嗚呼  
公之功業在天下公論在人心傳在國史列聖眷恤思命  
屢頒一時之屈萬世之伸一時之冤萬世之雪公於此可  
以無憾也已岳生也晚雖自童州得之見聞之日久然才

力綿弱不能揄揚朝廷褒忠錄功之曠典與公忘身為國  
之大節姑姑即冕所述掇拾其槩俾立石礪道以示後世  
以為他日為臣者勸焉惟公諱與先考同未敢以私故闕  
而不書蓋公之所關者大也臨文悚然銘曰惟天純佑賢  
俊挺生實商昭周為國之禎惟公之生允濟斯世雄才卓  
識孤忠正氣始鎮兩藩迄主五兵民困畢甦邊塵肅清時  
方晏安虜忽竊發皇曰往哉執挺以撻公䟽懇番六師已  
陳越關而北魯未泱旬虜敢犯頃皇輿遠狩公獨治兵痛  
心疾首浮議譏詭公斥正之人心摧挫公鎮定之內決廷  
論外當虜衝一時安危萬目祝公國步載寧皇輿遂復名

高毀來功大弗錄公存以功公亡以寃於惟聖明克俾昭  
宣萬世之名一日之厄失短獲常公亦何責穹祠顯號服  
祀無窮西湖之嚳岳廟攸同廟貌儼然公其如在嗟嗟後  
人守視無懈

浙江圖書

浙江



浙江圖書館

榮祿大夫太子太保兵部尚書儀公行狀

許彬

公諱銘字子新姓儀氏世為東萊之高密右族魯大父諱  
均祥大父諱仲和皆隱德弗耀父智由校官陞知州知府  
右通政右布政使禮部左侍郎重其問學德望足可法師  
宣廟在青宮時受命居輔導講讀之職多所倚重 宣廟  
嘗以先生呼之而不名卒贈禮部尚書謚文簡配孫氏贈  
夫人生子四人長鑑次鑄次銓次銘即公也公天性孝友  
侍文簡於宦所曲尽孝敬友愛諸兄怡怡如也暇則肆力  
問學凡經書子史靡不研窮為文章澣滌刮靡務去陳言

以追古作詩工五七言律於子姓嚴而有教文簡卒凡喪  
 葬之具皆極力營辦而盡其追遠之誠也洪熙改元初用  
 兵部侍郎戴綸薦授禮科給事中恒以文簡之德望事業  
 不白於世懇懇疏奏拜 恩典故有贈謚之命因得焚黃  
 先隴道過武定聞漢庶人陰結之心謀為不軌及還疏其  
 事奏之已而果然人以公有先見之明也宣德丁未受命  
 待召 文華殿偕尚書陳山張瑛朝夕侍左右備顧問公  
 嘗以直言正論開陳善道不致其君於堯舜不止也尋以  
 九載滿陞翰林脩撰正統三年預脩 宣廟實錄既成陞  
 侍講又二年今上皇初就封邨府簡德輔翼衆論推公特

授左長史藩府之事巨細輕重悉委於公納誨啟沃多所

倚注十四年秋醜虜悉衆寇邊太上皇帝躬往問罪為

權奸所誤遂陷蒙塵上監國事坐便殿群臣劾論誤國

之臣其餘黨猶悻：自如嫁禍於人衆皆憤義男為公獨

出班稽首至再颺言餘黨當誅上遂命杖殺之既

嗣位首擢公禮部左侍郎侍講經筵景泰二年陞南京

禮部尚書明年上念潛邸之舊遣使驛召至京加公太

子太保兵部尚書掌詹事府事軍國大政多委於公比以

窮陰積雪洪潦為災公極言弭災恤患之由其要在於敬

天法祖任賢納諫節用省刑能行此道庶幾可回天意

上嘉納之四年賜誥授榮祿大夫太子太保兵部尚書追  
贈曾祖考祖考及其考皆如公之官曾祖妣祖妣妣及其  
配皆一品夫人自始仕至是凡四授 誥勅而推恩之典  
皆隨其官之卑鉅而褒贈之也公平生負氣節剛方直諒  
侃侃不屈在同官及與人交少有拂戾輒正色斥之而犯  
者不之較不留怨不忌能人以是多之平居收不事紈綺  
食不尚甘鮮自守儉素澹泊如也 雖累更重任未嘗增置  
一廛之土一畝之室為後人計諸葛所謂別無調度以長  
尺寸公其有焉平生少疾一夕觸寒不起 上聞之命醫  
往視屢遣中使問疾視膳者旬無虛日疾劇 上籲夫懇

禱且賜金慰之諭之曰比聞疥嬰疾朕為惻然念鄉舊

德豈可一日不在左右茲以白金五十兩為藥物之助尚

其勉就痊安副朕懸切之意公聞命感愴惟舉手加額

謂中使曰予以菲才叨居重任不能報其萬一誰今永訣

猶煩聖慮俯垂眷念若此語畢有淚潜然中使亦相視

對泣自是不復語越三日竟卒實景泰甲戌七月十七日

也訃聞上為之嗟悼輟視朝一日命有司治喪塋厚贖其

家娶耿氏即夫人先公三年卒恭慎靜嘉有光壺範繼姚

氏子男六曰海曰江曰學訓科曰漢曰澍曰清曰溱領鄉

薦書誥校職今為國子生女二皆夫人所出也孫男九琮

琛琳瑜珪璋珩瑤曾孫男二將以是年冬海筭奉極婦  
葬邑之鄭公鄉先塋之次痛念曠石無文敢請尊執為狀  
其行托立君子為銘以傳諸下打云

浙江圖書館

資善大夫兵部尚書贈太子少保謚莊毅王公傳

姑蘇袁袞撰

王竑字公度陝西河州人也賦性剛毅慷慨喜大節取詭  
隨人宣德中舉進士方弱冠即自許經濟擢給事中曰士  
當希汲黯朱雲安能局促效轅下駒耶己巳英皇北狩邸  
王監國攝朝奉天門竑率諸給事中廷劾王振歷數其蠱  
政誤國之罪大聲讀彈文詞氣壯烈未畢錦衣衛指揮馬  
順從旁叱曰起去竑奮然起捽馬順首曰此正姦臣宜亟  
行誅遂拳歐順諸給事爭起助竑順死竑索振所親信二  
內監甚急請併誅之邸王命紅盔將軍以金瓜撲二內監

死乃罷朝由是竝名震天下虜中聞之皆嘆息曰中國有人未可輕也先寇京城竝以于謙薦守北門即戎服鞭馬馳赴軍號令區畫雖老将弗如也部伍壁壘精采寇九門虜望見奪氣潛出竒擊之虜敗走因逐之盡境而還以功起拜都察院僉都御史出鎮居庸虜憚竝名不敢近居庸遷副都御史兩奉勅巡撫淮揚總督漕運成化初拜兵部尚書尋辭疾致仕卒于家始名其菴曰鷲改名休世尤高其勇退之節袁康曰昔朱雲借劔斬佞臣者張禹然竟不得如其志宋之南渡太學生陳東等欲殺黃潛善乃誤殺黃鶚而東竟斬東市雲亦僅脫虎口百世而下讀其事猶

壯而悲之如王公之廷粹馬順一日而尸三逆豎于朝一  
何快也是雖朝廷之斷而王公忠烈不亦足多哉今世  
彌奇男子必以公為首云

浙江圖書館

浙江圖書館



浙江圖書館

少傅兵部尚書白恭敏公墓誌銘

公諱圭字宗玉姓白氏先世磁州人後徙隆慶再徙真定  
之南宮因家焉曾祖文舉隱弗仕祖進忠仕元千戶以公  
貴累贈資政大夫兵部尚書妣馬氏贈夫人父友諒累封  
資善大夫工部尚書妣郭氏贈夫人繼何氏封夫人公自  
幼天資俊偉識度過人進補邑庠生從博士姚江沈彥常  
受易早夜討論得其旨趣為文有奇氣一時倫輩皆自以  
為不及遂領鄉書擢魁禮闈登進士時正統壬戌歲也明  
年除江西道監察御史甲子胡虜寇邊分兵討之公奉  
命監軍由喜峰口出虜聞風遁去破其巢穴而歸丁卯按

山西威惠並行辨疑獄至三百餘事皆出人意料已已虜  
復犯訓廷議擇人分守要害公得澤州募壯勇造器械朝  
夕訓閱以俟勤王之舉會虜退乃還是年冬陞陝西按察  
副使獄有冤囚久不雪公一訊得其情遂破械縱之民有  
掠官糧為食者有司置之法公惻然曰民飢至此字救之  
過也杖其為首而已景泰壬申陞浙江右布政使處賊鄭  
懷冒爵號公與擒捕功有銀幣之賜民徐某與富室有  
讐言富室被盜連逮之徐不勝拷掠誣服公為直之遂釋徐  
而坐富室以罪浙右大飢徵稅甚急公請諸朝蠲之復  
勸富民出粟賑濟民得免於流徙天順戊寅遷都察院右

副都御史奉 勅巡撫湖貴時苗東作亂據石門公督兵

進勦獲其偽王于把猪王阿榜斬首數萬級餘黨悉平會

有 勅督造湖廣戰艦衆議欲賦于民公以楚府抽分甚

富具啓量借數月事賴以濟庚辰改兵部右侍郎北虜孛

來寇莊浪總兵仇廉失利虜勢熾甚公往督兵至固原與

賊遇以寡擊衆虜退走公率衆躡之獲虜二十餘人牛羊

萬數追至花馬池海納都連戰連捷虜懼請和西兵遂解

壬午 慈壽皇太后崩伴公營塋事事竣受幣之 賜癸

未陞工部尚書甲申 英廟升遐奉 勅營建 裕陵復

受銀幣之 賜成化丙戌荆襄流賊嘯聚 上命撫寧伯

朱永率兵往勦公奉勅提督軍務躬冒矢石設奇累敗  
賊衆斬首數萬級生擒偽王劉千金偽軍師康子云等縱  
其脅從數千人班師之日聞工部府君訃乞守制詔許  
奔喪公街哀歸塋葬之日有白鶴數十旋遶墓所人以為  
孝感所致丁亥加太子少保陞從一品俸兼兵部尚書驛  
召至京命不妨部事同定襄伯郭登等提督十二營公  
至辭所加官并請終制不允戊子賜玉帶寶刀麒麟金  
織衣會筵見求直言公以民情不和致天文變異乞命大  
臣巡行天下黜貪酷旌賢良以和民情庶幾天意可回已  
丑滿考賜誥褒美贈祖父如其官辛卯寢疾

上遣中官 賜羊酒菡蔬命御醫診視壬辰考滿賜鈔三

千貫癸巳丁何夫人憂 詔葬畢赴京 賜鈔三千為道

里費未幾 詔還甲午閏月公復寢疾 上兩遣中官

賜酒菓菡蔬 命醫視疾八月虜寇宣府 命公力疾出

視事已而疾轉甚醫藥弗效屢乞骸骨弗許遂以十二月

辛丑卒于京師之地上聞訃震悼遣中使 賜賻鈔萬緡

贈榮祿大夫少傅謚恭敏遣官 諭祭 命有司營葬事

以其子鑛為錦衣百戶公生永樂己亥四月癸卯年五十

有六娶秦氏先公三十年卒累贈夫人生男一即鑛女一

繼孟氏累封夫人生男四鉞庠生銓國子生銳鈔尚幼女

三孫男一孫女四公器宇英拔才識優長裁處邊務動中  
機宜雖羽檄交至未嘗倉皇失措嘗以兵行糜費害及地  
方故比年師旅簡出邊將不敢邀功四方賴以無事尤篤  
於孝友厚於故交與人交開心見誠曾無宿怨同官有喪  
竭力為之經營且捐貲助之嘗行舟荆湖江中晚遇大風  
舟幾覆人號呼求救公曰夜靜何所救乎我馳驅國事至  
此豈無天命汝等號呼何益既而逆運登岸舟即沉在貴  
州時人有憤中使嚴酷夜持刃欲刺之誤入公所擁衾問  
曰汝何人刺者驚曰誤矣即抽刃自刎仆于地公呼左右  
秉燭傳以善藥遣之畧無怒意其性度容物類如此蹟等

扶柩歸南宮卜以卒之明年某月日塋于白塔先塋之次  
奉工部尚書王公所述事狀造予請銘因為序次大略而  
系之銘曰哲人之生夫豈偶然實為先世積厚慶延南宮  
善地豈無才賢科目寥寥殆將百年挺拔自公振後光前  
位隆八座功著三邊雄才卓識稟之自天運籌決勝動中  
機先簡在帝心委任益專彼蒼不憖故奪之過其身雖亡  
其名永傳吁嗟恭敏復何憾焉南宮之山逶迤蜿蜒卜塋  
有石垂於綿綿

浙

珠玑



浙江圖書館

資政大夫太子少保兵部尚書贈少傅諡恭敏白公  
傳

豐城雷禮撰

白圭南宮人正統壬戌進士除監察御史持憲秉律恒存  
大體嘗奉命監出塞會虜退召還以材能陞陝西副使司  
多滯獄至鞫得情悉斷遣之民掠官糧為食者有司置之  
法圭惻然曰民飢至此不幸也若拘于法死者衆矣乃杖  
而釋之景泰初升浙江左布政使浙自葉宗沅亂後餘賊  
有伏草莽者圭贊巡撫兵部尚書孫原貞敷宣德捕誅逋  
孽因飢奏蠲其租賦發廩勸貸賑濟之數辨疑獄申理冤

滯民皆安堵天順改元湖廣貴州賊弗靖轉都察院右副  
都御史巡撫時賊據險我兵不能討乃設法多為疑兵分  
道進攻賊遂不能支遁去擒其渠首斬之嘗有勅督造戰  
艦甚急衆議欲賦材于民圭曰不可請於藩府抽分木代  
造民多德之及召為兵部右侍郎往贊戎務入對便殿厚  
賜遣之至陝總戎失利圭按兵不戰虜衝突者三不動疑  
有伏乃引去隨躡之獲十餘騎及牛羊以歸既而花馬池  
海納都俱解去後荆襄賊嘯聚推劉千斤為主改元署為  
總兵等號攻州縣圭督軍務由南漳入遇賊誘之臨城擊  
破之乘勝進兵賊退入巢穴山險復雨乃命裨將率卒千

餘由問道出賊後焚其營自以軍臨賊顧其營火遂驚駭  
蹂亂斬首數萬級生擒劉千金等獻浮京師以功進太子  
少保兼兵部尚書適聞父喪乞守制不允既歸塋驛召至  
京提督十二營又乞終制俱不允是年彗見圭請分命大  
臣巡視民瘼從之陝西土達滿四反關中震動圭違衆議  
舉都督劉玉可用卒以成功後卒于官贈少傅謚公敏為  
敦義有雅量舊受業師沒于南宮歲時展謁不忘遇同僚  
及所知喪事猝不能辨者輒為棺具在荆湖泛江中值暮  
風大作舟人震恐圭神色不動甫登岸舟溺焉在貴州時  
人有憤中貴嚴酷使刺者悞入圭所擒之刺者驚曰乃我

公也即自刎不入仕于地圭呼燭持視畧無怒意善遣之  
其度優弘類如此

浙江圖書館

光祿大夫兵部尚書贈太子太保謚襄毅項公神道

碑

館

長沙李東陽撰

公姓項氏諱忠字蓋臣其先世本汴人宋南渡有曰秀者  
徒浙之嘉興曾祖永原隱不仕祖邦歷孝感吳江同安三  
縣丞及父衝皆贈資政大夫都察院左都御史公生于吳  
江正統七年舉進士授兵部主事遷員外郎十四年扈從  
北狩陷虜中以智自拔而歸進郎中景泰某年擢廣東按  
察司副使嘗按部高州諜報賊携男婦數百流劫村落部  
將請發兵公曰流賊無携家理慎無妄殺及訊其俘果是

良家被掠者盡釋之四年征瀧水賊以功加從三品祿丁  
外艱服闋改山東按察司天順某年擢陝西按察司值歲  
飢亟發廩給民不待報所活萬計丁內艱軍民詣闕借留  
者幾千人詔起復公以某年以大理寺卿召借者再至乃  
改都察院右副都御史巡撫其地洮岷諸番作亂公帥兵  
撫捕遂降其衆成化元年虜犯延綏公與寧遠伯任壽奉  
命禦之戰屢捷虜遽遁去西安水多鹵宋渠久廢公開一  
渠三十里又鑿涇陽鄭白故渠溉田七萬頃民立生祠祀  
之二年虜酋毛里孩入寇公提督軍務與彰武伯楊信禦  
之虜復遁三年召還佐院事四年固原土胡滿四據石城

殺我邊將將窺陝公總督軍務與都督劉王討之伏羌伯  
毛忠戰死我軍遽退公即陣斬一千戶以徇衆乃定適彗  
出台斗人情恟懼公屹不為動據要害以困賊廷議請益  
兵詔以問公公謂兵不須益惟坐困可斃相持百餘日公  
單騎抵賊寨諭以禍福脅從者稍稍出降其逸出者皆縱  
使去以孤其黨賊窮甚每突圍薄我大小三百餘戰皆却  
之禽其愛將楊虎狸公曰是何用也解所服金鈎賜而遣  
之約為內應卒禽滿四斬首七千六百俘獲二千六百有  
奇因奏便宜四事為經久計五年遷右都御史六年京畿  
大水公巡視順天河間永平三府多發官廩又勸分得米

十六萬銀布牛具各萬餘所活尤衆荆襄賊李胡子者本  
劉千斤餘黨倡流民為亂公復總督軍務乃遣人持榜入  
出招諭其負險不服者縱兵搜捕凡發遣還鄉者百四十  
萬編戍者萬餘斬首二千餘級獻俘于朝者百餘人仍獻  
便宜十事詔暫留撫治進左都御史蓋自南北用兵以來  
論功遷秩者至是而再降勅獎諭者五賜白金綵幣者六  
會有星孛于天田言者謂荆襄殺戮所致公再疏自列言  
為國任怨未嘗妄殺因乞骸骨上溫詔慰公且召之還後  
荆襄三十餘年牙孽不作跡其摧創之力未必非綏撫地  
也十年拜刑部尚書尋改兵部公曉暢戎務簡賢屬以自

輔圖大展所蘊十三年錦衣衛百戶常瑛者挾中貴為訶  
察屢興大獄至擅執京朝官中外重足莫敢正言其非公  
奮筆具疏草倡請公卿奏之瑛坐謫戍邊朝野稱快而其  
黨競仇公不置又有千戶吳綬先在軍中撓法公為所黜  
時亦用事極力構公欲寘之死公廷辨慷慨不少屈僅坐  
落職以去久之陷公者次第皆敗上洞察公枉復兵部尚  
書致仕今上登極及遣儲恩再進階光祿大夫吏部侍郎  
彭公韶巡視浙江特薦公可用而公年已至亦不果起壽  
八十二卒于正寢弘治十五年八月十一日也上遣官諭  
祭命有司治塋事贈太子太保賜諡曰襄毅錄其孫鏞為


嘉興守禦千戶皆異數云娶劉氏早卒繼鮑氏亦先公卒  
生二子長經舉進士歷南京監察御史為太平知府有父  
風次緩累官蘇州衛指揮僉事守禦嘉興側室朱氏生四  
子縉纘繕維女一劉出也適千戶沈禎孫八鏞其長次鏜  
鎮鏜錫某某女孫三一適國子生呂信一適遷堂一許  
嫁胡道公以十六年某月某日塋象賢鄉之原鮑夫人祔  
公剛果沈毅遇事敢為不惑郡議故能臨敵致勝累著勲  
伐及排擊寇暴身犯大難中雖顛阻終暴白于天下而先  
帝知人燭物之明今天子報功崇德不遺舊臣之義亦可  
仰見於此矣南京太常寺卿呂君憲據公所叙事曆為狀

經奉以詣予請銘神道之石乃叙其行業之大者而繇以  
銘曰昔在英廟賢俊輩出甲科繼登盛者壬戌有十尚書  
公蓋其一掄才授功公在甲乙入典刑獄出長師律廟堂  
中嚴疆圉外謚誠機應變捷在倉卒持堅握彊勇定群怵  
公身兀兀其氣吃吃摧姦聖謔公有直筆公心礪石寧折  
毋屈彼繁有徒如鬼如獮野憐宵熠潛形畫匿陰霾盪滅  
仰見白日乃困而亨匪滿斯溢壯當其勞老饗其逸何以  
靈之生有階秩何以錫之沒有褒卹天王聖明君子貞吉  
視彼徼幸疇得疇失惟天生才大者丞弼胡成之艱而奪  
之疾惟士用世必先委質行孰我使止孰我尼其間利鈍

珍珍錄




公志既畢公澤未訖公功在焉來者是述



浙江圖書館




Faint red stamp or markings in the upper left corner.



浙江圖書館



浙江圖書館



浙江圖書館

浙江圖書館善本

甲登記號：006667

一九 年 月 日



浙江圖書館

colorchecker CLASSIC



xrite



